

青神縣志卷之十六

祀典志并錄歷代尊禮源流

縣自雍正八年復設縣治凡春秋丁祭

文廟

崇聖祠

關帝廟

崇聖祠

先農壇耕藉一倣現在部頒儀制遵行至

文昌廟亦遵嘉慶六年部頒儀制遵行

青神縣志



卷之十六祀典

二十

攷孔子卒於魯哀公之十六年夏四月巳丑哀公誅孔子曰  
 尼父卽其冢上立廟藏衣冠琴書以歲時祀此與謚廟享之  
 始漢高帝十二年過魯祀孔子以太牢諸侯王卿相至郡先  
 謁廟後從政平帝元始七年追謚孔子褒成宣尼父封孔子  
 後均爲褒成侯東漢明帝章帝俱詣闕里宅廟祀孔子以七  
 十二賢從祀魏文帝太和十六年改謚文聖尼父初祀孔子  
 於辟雍以顏子回北魏獻文帝詔郡縣立學祀孔子與周公  
 並享周公南面坐孔子西牖坐至太和乃詔宣尼廟別勅有  
 司享薦此有司廟享之始後周宣帝封鄒魯公隋文帝稱宣



師尼父上丁釋奠此祭用仲月上丁之始唐高祖武德二年  
詔國子學立周公孔子廟七年以周公爲先聖孔子配太宗  
貞觀二年罷周公尊孔子爲先聖詔天下州縣皆專廟塑像  
出內廷衣衾寘正南面以顏回配十一年詔尊孔子爲宣尼  
父二十一年詔左邱明卜子夏公羊高穀梁赤伏勝高堂生  
戴聖毛萇孔安國劉向鄭眾杜子春馬融盧植鄭元服虔何  
休王肅王弼杜預范甯賈逵等從祀尼父廟高宗乾封元年  
追孔子爲太師總章元年贈顏回太子少師曾參太子少保  
皆配享元宗開元二十七年追謚文宣王贈顏子交國公閔

青神縣志

卷之十六 祀典

三

子等九人爲侯曾子爲伯以十哲升配此十哲之稱弟子廟  
享之始宋太祖建隆三年詔文廟立戟十六此文廟有戟門  
之始真宗謚元聖文宣王又以國諱改至聖文宣王追封聖  
父叔梁紇爲齊國公後裔爲衍聖公十哲皆爲公七十二弟  
子爲侯神宗元豐七年以孟子配荀况劉向揚雄韓愈並從  
祀徽宗崇寧四年增門戟二十四大觀二年以子思從祀理  
宗惇祐元年以周敦頤張載程顥程頤朱熹從祀景定二年  
張栻呂祖謙從祀度宗咸淳三年以顏曾思孟爲四配升顏  
孫師位十哲列邵雍司馬光於從祀元武宗大德十一年號



孔子爲大成至聖文宣王仁宗皇慶二年以許衡從祀文宗  
至順元年加封孔子父爲啟聖王加顏子爲兗國復聖公會  
子邾國宗聖公子思沂國述聖公孟子鄒國亞聖公加程顥  
豫國公程頤洛國公始以董仲舒從祀明太祖洪武五年罷  
孟子配享六年復祀十五年詔天下儒學通祀孔子頒釋奠  
儀十七年勅每月朔望祭酒以下行釋菜禮郡縣長以下詣  
學行香二十六年頒大成樂器於州縣如式製造二十九點  
揚雄從祀成祖永樂八年正文廟繪像聖賢衣冠令合古制  
宣宗宣德二年刊定從祀名爵位次頒行天下英宗正統二

年以宋胡安國蔡沈真德秀從祀三年禁釋老宮不得瀆祀  
孔子八年以元吳澄從祀成化二年封董仲舒廣川伯胡安  
國建寧伯蔡沈崇安伯真德秀浦城伯二年增樂舞爲八佾  
孝宗宏治八年以宋楊時從祀封將樂伯世宗嘉靖九年禮  
部議曰人以聖人爲至聖人以孔子爲至宋真宗稱孔子爲  
至聖其議已備今宜去王號及大成文宣之號稱至聖先師  
孔子稱廟不宜稱殿其四配稱復聖宗聖述聖亞聖十哲以  
下及門弟子皆稱先賢某子左邱明以下皆稱先儒某子一  
切公侯均不宜復稱以混成周封爵之制章服之加起於塑



像今宜尊國子監規製木主定大小尺寸著爲定式塑像卽  
令屏撤以別釋氏之教疏入報可改樂章中稱王者並易爲  
師從祀申黨卽甲棖去黨存棖公伯察秦冉顏何荀况戴聖  
劉向賈逵馬融何休王肅王弼杜預吳澄十三人俱罷祀林  
放遠瑗盧植鄭衆鄭元服虔范甯七人俱各祀於其鄉進后  
蒼王通胡瑗歐陽修陸九淵從祀樂舞仍用六佾又於先師  
廟後建啟聖公祠祀聖父以顏無繇曾點孔鯉孟激公宜配  
配程珦朱松蔡元定從祀兩廡穆宗隆慶五年以薛瑄從祀  
神宗萬歷初以羅從彥李侗從祀十二年以陳獻章胡居仁

青神縣志

卷之十六祀典

三

王守仁從祀二十三年周敦頤父周輔成從祀啟聖祠

世祖章皇帝順治二年定謚爲大成至聖文宣先師孔子十四年  
改謚爲至聖先師孔子十年

駕幸國學行釋奠禮

聖祖仁皇帝康熙八年臨雍釋奠二十二年

幸闕里

欽頒

御書萬世師表匾額康熙三十五年

欽頒



御製孔子贊顏會思孟四子贊立碑

孔子贊

並序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明而人心所以不泯也粵稽往緒仰遡前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勳業炳於一朝明道者教思周於百世堯舜文武之後不有孔子則學術終淪仁義湮塞斯道之失傳也久矣後之人而欲探二帝三王

青神縣志

卷之十六祀典

三十四

之心法以爲治國平天下準其奚所取衷焉然則孔子之爲萬古一人也審矣朕巡省東國謁祀闕里景企滋深敬摘筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終昧秩然大經百家紛紜殊途異趣日月無踰美壻可晤孔子之道惟中與庸此心此理千聖所同孔子之德仁義中正秉彝



之好根本天性庶幾夙夜勗哉令圖遡源洙泗景躋唐虞或  
歷廷除視觀禮器摘毫仰贊心焉遐企百世而上以聖爲歸  
百世而下以聖爲師非師夫子惟師於道統天御世惟道爲  
寶泰山巖巖東海泱泱墻高萬仞夫子之堂孰窺其藩孰窺  
其徑道不遠人克念作聖

顏子贊

聖道早聞天資獨粹約禮博文不遷不貳一善服膺萬德來  
萃能化而齊其樂一致禮樂四代治法兼備用行舍藏王佐  
之器

青神縣志

卷之十六 祀典

三十五

曾子贊

洙泗之傳曾以得之一貫曰唯聖學在茲明德新民止善爲  
期格至誠正均平以推至德要道百行所基纂承統緒修明  
訓辭

子思子贊

於穆天命道之大原靜養動察庸德庸言以育萬物以贊乾  
坤九經三重大法是存篤恭慎獨成德之門卷之藏密擴之  
無垠

孟子贊



哲人既萎楊墨昌熾子輿闢之曰仁曰義性善獨聞知言養  
氣道稱堯舜學屏功利煌煌七篇並垂六藝孔學攸傳禹功  
作配

五十三年升周敦頤程顥程頤張載朱熹邵雍爲先賢五十  
五年又以朱子升附十哲范仲淹從祀

世宗雍正元年改啟聖祠爲崇祠聖封孔子五代王爵五世祖木

金父公爲肇聖王高祖祈父公爲裕聖王曾祖防叔公爲詒  
聖王祖伯夏公爲昌聖王父叔梁公爲啟聖王二年復以林  
放遽瑗秦冉顏何鄭康成范甯從祀增縣尊牧皮樂正子公  
青神縣志  
卷之十六祀典  
三六

都子萬章公孫丑諸葛亮尹敦魏了翁黃幹陳淳何基王伯  
趙復金履祥許謙陳澹羅欽順蔡清陸龍其從祀以張迪從  
祀崇聖祠四年

欽頒

御書生民未有匾額

高宗乾隆三年升有若於十哲移朱子於西哲末復以吳澄從祀

欽頒

御書與天地參匾額六年頒定先賢先儒從祀位次九年禁建三  
教堂不得設佛老聖人之像現在聖像安奉於書院義學撤



去三教匾牌

木主

明嘉靖九年定制高二尺三寸七分濶四寸厚七分座高四寸長七寸厚三寸四分朱地金書四配主高一尺五寸濶三寸二分赤地黑書啟聖主同四配十五哲兩廡高一尺四寸濶二寸六分厚五分座高二寸六分長四寸厚二寸赤地黑書

位中正南面

按孔子南面始於唐開元二十八年主既南面獻官自應北面宋濂拘漢宣帝西面再拜及開元禮獻官西向之說謂北面非神道尚右之義今仍北面為正

東配二位

復聖顏

子魯人邾國後

述聖子思子

名伋字子思

青神縣志

卷之十六祀典

二十七

西配二位

宗聖曾

子武城人鄆國後

亞聖孟

子魯公族孟孫氏後

東哲六位

先賢顏

子名損字子騫魯人

先賢冉

子名雍字仲弓魯人伯牛之族

先賢端木

子名賜字子貢衛人先為信陽宰後嘗相魯衛

先賢仲

子名由字子路魯之卞人仕魯為蒲大夫

先賢卜

子名商字子夏衛人仕魯為萑父宰



先賢有子史記字子若家語字子有魯人舊在東廡七位乾隆三年從徐元夢請升殿內東旁卜子下移  
朱子熹於西旁顯孫子下

西哲六位

先賢冉子名耕字伯牛魯人爲中都宰

先賢宰子名予字子我魯人任齊爲臨淄大夫

先賢冉子名求字子有仲弓之族爲季氏宰

先賢言子名偃字子游吳人仕魯爲武城宰

先賢顓孫子名師字子張

先賢朱子名熹字元晦號晦庵婺源人謚文康熙五十三年升列東哲乾隆三年改列西哲

青神縣志

卷之十六祀典

二十六

東廡先賢三十九位乾隆六年禮部頒行遵照太學成式東西先後序次安設

先賢蘧瑗字伯玉明以孔子嚴敬改祀雍正二年以孔子大聖食於堂上瑗大賢座於兩廡亦理之所安

復祀

先賢澹滅明字子羽魯武城人

先賢原憲字子思魯人檀弓作仲憲爲夫子宰

先賢南宮适字子容一作縉孟懿子之兄居南宮因姓謚敬叔

先賢商瞿字子木魯人

先賢漆雕開字子若一作憑字子開蔡人鄭元曰魯人

先賢司馬耕字伯牛宋人家語作司馬犁耕



先賢梁 鱣字子魚史記註作鱣字叔魚齊人

先賢冉 孺字子魯家語作冉孺字子魚魯人

先賢伯 虔家語字楷一作子析弟子解作子楷史記作子析魯人

先賢冉 季字子產魯人

先賢漆雕徒父字子有家語作漆雕徒字子文一作子期魯人

先賢漆雕哆字子斂家語作漆雕侈魯人

先賢公西赤字子華魯人

先賢任不齊字子選楚人

先賢公良孺家語名孺史記名孺子正一作子幼陳人

青神縣志 卷之十六祀典 三十九

先賢公肩定家語字子仲史記作公堅定字子中魯人或曰晉人

先賢鄆 單史記有鄆單字子家無縣亶家語有縣亶字子象無鄆單疑作一人徐廣作鄆善

先賢罕父黑史記字子索家語作宰父黑字索一字子黑魯人氏族畧亦止有宰父黑

先賢榮 旂史記字子旗家語作榮祈魯人

先賢左人郢史記字子行家語作左郢字子行魯人

先賢鄭 國家語作薛邦字徒魯人史記避漢高祖諱以邦為國鄭字疑薛字之誤

先賢原 亢字子亢家語作元亢字子籍史記作原亢字籍正義亢作亢魯人

先賢廉 潔史記字庸家語字子庸一作子曹衛人古史作齊人

先賢叔仲會字子期文翁圖作會家語魯人鄭元云晉人



先賢公西與如字子上魯人史記作公西與

先賢封家語作邦選字子飲史記訛邦為封字子斂文翁圖避諱以邦為國作國選魯人

先賢陳亢字子亢一字子禽陳人

先賢琴張一名牢家語字子開文翁圖字子張衛人

先賢步叔乘字子車齊人

先賢秦非字子之魯人

先賢顏噲字子聲魯人

先賢顏何字冉魯人明以家語不載罷雍正三年以家訓及顏高贊俱稱顏氏八賢去何止七復祀

先賢縣亶明以史記不載又疑與鄒單是一人罷祀雍正二年以當時原無確據仍為二人復祀

青神縣志

卷之十六祀典

先賢樂正克孟子弟子孟子稱為善人信人又曰其為人也好善當在弟子之列增祀

先賢萬章孟子弟子史記稱孟子所如不合退與萬章之徒序詩書述仲尼之意增祀

先賢周敦頤字茂叔世居道州營道縣濂溪學者稱濂溪先生謚元

先賢程顥字伯淳宋河南洛陽人文彥博題其墓曰明道先生謚純

先賢邵雍字堯夫宋范陽人謚康節

先儒二十三乾隆十八年禮部准會典館移稱奏准兩廡從祀先儒位次微有舛錯謹依史

傳按年序次請依序位置轉行直省遵照

先儒公羊高齊人生周末

先儒伏勝字子賤鄒平人生秦漢間習書秦焚書時獨壁間藏之



先儒董仲舒 廣川人武帝時以賢良對策

先儒后 蒼 字近君漢東海剡人修明禮經嘉靖時考求古禮以為定禮之宗從祀

先儒杜子春 河南緱氏人漢哀平間生

先儒諸葛亮 蜀漢瑯琊人居心仁恕開誠布公知出處大節明君臣大義純乎天理合乎聖道增祀

先儒王 通 字仲淹隋龍門人教授河汾其弟子私謚曰文中子

先儒范仲淹 字希文宋吳縣人封汝南公謚文正

先儒歐陽修 字永叔宋廬陵人謚文忠

先儒楊 時 字中立宋將樂人學者稱龜山先生

先儒羅從彥 字仲素宋南劍州人學者稱豫章先生謚文質

青神縣志 卷之十六 祀典 三

先儒李 侗 字愿中宋延平人朱子受其河洛之業為述延平間答稱延平先生謚文靖

先儒呂祖謙 字伯恭其先萊人遷婺州謚成改忠亮墓題東萊先生

先儒蔡 沈 字仲默宋建陽人隱居九峯山世號九峯先生謚文正

先儒陳 淳 字安卿號北溪宋龍溪人朱子嘗云吾道喜得陳淳增祀

先儒魏了翁 字華甫宋邛州人當南宋邪說簧鼓能維持正學著九經等書於聖道大有發明增祀

先儒王 栢 號魯齋宋金華人何基弟子點校四書經史推明河洛九疇著經書衍義闡發濂洛淵源增祀

先儒趙 復 元初名儒德安人所著傳道伊洛二圖希賢錄北方知有程朱學實自復始

先儒許 謙 號白雲先生金履祥弟子讀書窮探深微其詩文扶翼經義綱維世教著詩書叢說等書增祀

先儒吳 澄 字幼清號草廬崇仁人嘉靖九年以忘宋事元點今考澄著述五經四子各有詮註而學基學



統及矯輕警惰等篇於紫陽書實多發明  
明乾隆二年從尚書甘汝來請復祀

先儒胡居仁 字叔心明餘千人著居業錄以敬名齋人稱敬齋先生

先儒王守仁 字伯安明餘姚人讀書陽明洞封新建伯諡文成世稱陽明先生

先儒羅欽順 字允昇明泰和人以實行教士著困知記周程緒言賴以不墜號整庵增祀

### 西廡先賢二十八位

先賢林放 魯人明以家語不在弟子列改祀雍正二年以問禮本親炙聖人即非弟子亦理所安復祀

先賢宓不齊 字子賤魯人為單父宰

先賢公冶長 字子長家語作萇魯人史記齊人范甯云字子芝

先賢公析哀 字季沈齊人史記作公皙哀字季次索隱作公皙克

### 青神縣志

#### 卷之十六祀典

先賢高柴 字子羔家語齊人史記衛人仕衛為士師

先賢樊須 字子遲仕于季氏家語魯人鄭元云齊人

先賢商澤 家語字子秀史記作子季魯人

先賢巫馬施 字子期陳人史記字子旗為單父宰

先賢顏幸 字子柳魯人史記作顏幸

先賢曹卣 字子循蔡人

先賢公孫龍 家語作公孫龍衛人鄭元云楚人孟云趙人字子石

先賢秦商 字子丕家語字丕茲魯人鄭元云楚人

先賢顏高 字子驕家語作顏刻魯人



先賢穰駟赤家語字子從秦人史記穰作壤字子徒

先賢石作蜀字子明家語作石子蜀秦人

先賢公夏首字子乘家語首作守字乘魯人

先賢后處史記字子里家語作石處字堅之齊人

先賢奚容蒧家語字子偕史記子哲文翁圖魯人正義備人氏族大全奚仲之後

先賢顏祖字襄家語名相父名祖字子襄魯人

先賢句井疆字子疆史記作句井正義作句井衛人闕里志字子野山東志字子孟

先賢秦祖字子南魯人鄭元云秦人

先賢縣成字子祺家語字子橫魯人

青神縣志

卷之十六祀典

先賢公祖句茲家語作公祖茲字子之魯人

先賢燕伋字思家語名級字子思史記作伋秦人

先賢樂欬史記字子聲家語名欣秦人

先賢狄黑家語字哲之一作子哲史記字哲衛人

先賢孔忠字子茂家語作孔弗史記作孔子兄孟皮之子

先賢公西蒧字子尚史記字子上魯人

先賢顏之僕家語字子叔史記字叔魯人

先賢施之常字子常史記字子恒魯人

先賢申棖家語申績字子周史記作申黨字周文翁圖作堂後漢碑作棠鄭元云卽申績績黨堂棠



也人

先賢左邱明 中都人授經圖曰魯人楚左史倚相之後

先賢秦冉 字開蔡人明疑史記誤書罷雍正二年以史記列傳既著其姓復標其字必有其人復祀

先賢牧皮 孟子趙岐注牧皮與琴張曾皙皆事孔子牧皮為聖門高弟無疑增祀

先賢公都子 孟子弟子研性善之理闢義外之說增祀

先賢公孫丑 孟子弟子趙岐注孟子既沒萬章公孫丑記其所言有功於孔孟之道增祀

先賢張載 字子厚居郿縣之橫渠號橫渠先生諡明

先賢程頤 字正叔稱伊川先生諡正

先儒二十三位

青神縣志

卷之十六祀典

三

先儒穀梁赤 字元始曾人周未子作俶顏師古作喜

先儒高堂生 索隱字伯魯人人生漢初

先儒孔安國 字子國孔子十一世孫生漢武帝時

先儒毛萇 趙人善說詩世謂毛亨為大毛公公萇為小毛公生漢武帝時

先儒鄭元 字康成東漢高密人註經論禮百餘萬言括囊大典網羅百家出處進退衷於道復祀

先儒范甯 字武子晉鄆陵人南昌太守興學造士著春秋穀梁集解詞意精詳有功聖道復祀

先儒韓愈 字退之唐修武人封昌黎伯諡文

先儒胡瑗 字翼之宋海陵人為湖州教授又召為國學直講學者稱安定先生諡文昭

先儒司馬光 字君實宋夏縣人封溫國公諡文正



先儒尹

焯

字修明宋涪陽人伊川弟子學窮根本德備中和質直宏毅著論解賜和靖處士增祀

先儒胡安國

字康侯宋崇安人諡文定

先儒張

栻

字敬夫宋綿竹人忠獻公浚之子號南軒先生諡宣

先儒陸九淵

字子靜宋金谿人學者稱象山先生諡文安

先儒黃

幹

字直卿號勉齋宋閩人朱子壻授以所著書曰吾道託在此金華四子述衍其傳正學賴以不

絕

先儒真德秀

字景元一字希元宋浦城人寶元進士累官戶部尚書參知政事稱西山先生諡文忠

先儒何

基

宋金華人黃幹弟子得淵源之旨學本真實所著學庸解釋諸書大傳易啟蒙皆有發揮

先儒陳

浩

字可大元南康人博學好古所著禮記集註明列其書於學宮士子遵奉稱雲桂先生增祀

青神縣志

卷之十六祀典

三五

先儒金履祥

字吉夫號仁山元蘭溪人何基弟子著大學章句疏義論孟集註多先儒未發之義增祀

先儒許

衡

字平仲元河內人學者稱魯齋先生諡文正

先儒薛

瑄

字德温明河津人學者稱敬軒先生諡文清

先儒陳獻章

字公甫明新會人隱白沙學者稱白沙先生

先儒蔡

清

字介夫號虛齋明晉江人學主靜虛飭躬砥行不愧衾影著易經理解四書蒙引行世增祀

先儒陸隴其

字稼書本朝平湖人力任斯道精研程朱之學端方孝友以德化民增祀

改祀於鄉三人

明嘉靖九年改

鄭

衆

字仲師東漢開封人

盧

植

字子幹東漢涿郡人



服虔字子慎東漢滎陽人

罷祀十一人明洪武三年嘉靖九年二次罷

公伯寮字子周魯人以讒仲由黜

荀况字卿周末趙人以性惡黜

戴聖字次君漢梁人以賊吏黜

揚雄字子雲成都人以事莽黜

劉向字子政漢宗室以誦神仙方術黜

賈逵字景伯東漢扶風人以附會圖讖黜

馬融字季長東漢扶風人以貪鄙附勢黜

青神縣志

卷之十六祀典

三

何休字邵公東漢人以黜周王魯註風角書黜

王肅字子雍魏剡人以黨司馬篡魏黜

王弼字輔嗣魏山陽人以旨宗老莊黜

杜預字元凱晉杜陵人以黨貴建短喪黜

崇聖祠正面五位

肇聖王木金父自宋遷魯始姓孔

裕聖王祈父

貽聖王防叔父

昌聖王伯夏父



啓聖王叔梁父氏仕魯爲陬邑大夫晚娶顏氏聖母禱尼山誕生至聖

東配

先賢顏氏名無繇字路家語顏繇字季路顏子回之父

先賢孔氏名鯉字伯魚子思子伋之父

西配

先賢曾氏名點字皙家語字子皙史記作曾蒧曾子參之父

先賢孟氏名激公宜魯公族孟子軻之父

東廡

先儒周氏名輔成周子敦頤之父

青神縣志

卷之十六祀典

三七

先儒張氏名迪宋神宗時出知洛州立身端潔居官廉直窮不能歸葬於郿張子載之父增祀

先儒蔡氏名元定字季通隱居西山諡文節世稱西山先生蔡子沈之父

西廡

先儒程氏名响字伯溫贈永年伯二程子顛頤之父

先儒朱氏名松字喬年歷吏部司勳卽出知饒州至元追諡靖獻朱子熹之父

順治九年

欽頒

御製訓飭士子碑文

一生員之家父母賢智者子當受教父母愚魯或非爲者子旣



讀書明理當再三懇告使父母不陷於危亡

一生員立志當學爲忠臣清官書史所載忠臣事蹟務須互相講究凡利國愛民之事更宜留心

一生員居心忠厚正直讀書方有實用有實用出仕必作良吏若心術邪刻讀書必無成就爲官必取禍患行害人之事者徃徃自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切已之事

青神縣志

卷之十六 祀典

三十六

許家人代告不許干人詞訟他人亦不許牽生員作証

一爲學當尊敬先生若講說皆當誠心聽受如有未明從容再問毋妄行辯難爲師長者亦當盡心教訓勿致怠惰

一軍民一切利病不許生員上書陳言如有一言建白以違制論草黥治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調治罪

雍正三年

詔追封



關帝三代以曾祖爲

光昭公祖爲

裕昌公父爲

成忠公每歲仲春秋致祭

雍正四年

詔直省各府州縣衛設立

先農壇行耕藉禮

雍正五年

勅封蜀守李冰爲

青神縣志

卷之十六 祀典

三九

敷澤興濟通祐王李二卽爲

承績廣惠顯英王令地方官製造神牌每歲春秋致祭

文廟祭器數

宋徽宗定禮品一副內十籩十豆明初國子監用籩豆各十

天下府州縣各八成化十三年以禮部尙書周洪謨奏加籩

豆爲各十二外府州縣各十嘉靖九年遵照初制國子監用

十籩十豆天下府州縣八籩八豆

本朝因之

祭品



香燭酒牛用純黑 羊 豕 鹿 兔 帛 正位用綾餘  
用絹練白色長一丈八尺 太羹實於登 和羹實於鉶  
黍稷實於簠 稻粱實於簋 形鹽 藁魚 枣 栗 榛  
菱 芡 鹿脯以上實於籩 韭菹 菁菹 芹菹 笋  
菹 醢醢 鹿醢 兔 魚醢以上實於豆  
樂器數

磨旛 應鼓 鼗鼓 笛 笙 簫 搏拊 祝楮 編磬  
編鐘 排簫 琴 瑟 箎 塤  
佾舞數

青神縣志

卷之十六祀典

四

唐樂用宮縣舞用六佾明初用六佾成化十三年增爲八佾  
嘉靖九年仍爲六佾  
本朝因之

關帝廟祭品

帛一 白磁爵三 牛一 羊一 豕一 菓品五 核桃  
荔枝 圓眼 枣 栗 各一盤 酒一樽

先農壇祭品

香 燭 酒 牛一 羊一 豕一 籩豆各十簠簋各二  
各壇祭品



香燭酒羊一豕一釧一籩豆各四簋各二

文廟禮儀

按會興祭前一日行省牲禮正祭日候官至通贊贊簽祝版  
引贊引承祭官至更衣所贊更衣 升堂 序爵 序事  
請視簽名 下堂 通贊贊啓戶 樂舞生就位執事者各  
司其事 分獻官就位倍祭官就位主祭官就位 瘞毛血  
啟牲饌蓋 迎神 作樂 引贊引各官詣西北隅迎神  
衆官打躬 通贊贊參神 承祭官行三跪九叩禮 樂止  
行奠帛初獻禮 作樂 引贊引主祭官詣盥洗所 沐手

青神縣志

卷之十六祀典

聖

淨巾詣酒尊所 司尊者舉冪酌酒詣

至

聖先師孔子神位前跪跪 進帛 奠帛 進爵 獻爵 俯

伏 興 平身 詣讀祝位 跪 鳴贊贊衆官皆跪 引

贊贊讀祀文 俯伏 興 平身 鳴贊贊衆官俱興 平

身 通贊贊行分獻禮 引贊引獻官詣四配神位前跪

進帛 奠帛 進爵 獻爵 俯伏 興 平身 十哲兩

廡與四配同 亞獻終獻與初獻同 引贊引主祭官詣飲

福位 跪 飲福酒 受福胙 通贊贊謝神承祭官行一

跪三叩禮畢 復位 通贊贊徹饌 樂作 樂止 辭神



承祭官行三跪九叩禮畢 送神 引贊引眾官詣送神所  
贊神去眾官打躬 通贊贊望痊 讀祝者捧祝執帛者捧  
帛各詣痊所 引贊贊眾官詣望痊位 焚祝帛 復位  
通贊贊閣戶 鳴贊贊禮畢徹班

崇聖祠儀注

悉同 先師分獻官或先祭或同時祭至名宦鄉賢祠亦隨  
丁祭分獻

關帝廟禮儀 雍正五年奉

旨頒行 前殿儀注祭日贊引官引承祭官進左旁門至盥洗處

青神縣志

卷之十六祀典

三

贊盥洗盥洗畢引至 殿內行禮處站立典儀官唱執事官  
各司其事贊引官贊就位引承祭官就位站立典儀官唱迎  
神 司香官捧香盒就香爐左邊站立 贊引官引承祭官  
就香爐前立司香官跪 贊引官上香 承祭官立將炷香  
接舉插爐內又將塊香上三次畢 贊引官贊復位 引承  
祭官復位站立 贊引官贊跪 叩 興 承祭官行三跪  
九叩禮 典儀官唱奠帛獻爵行初獻禮捧帛爵官將帛爵  
捧舉各就 位前贊引官贊奠帛官跪獻畢行三叩禮退執  
爵官立獻畢退 讀祝官至安祝文棹前行一跪三叩禮將



祝文捧起立 贊引官贊跪 承祭官讀祝官俱跪 贊引  
官贊讀祝 讀祝畢 捧至 位前 跪與盛帛盒內舉行  
三叩禮退 贊引官贊 叩 興 承祭官行三叩禮立  
典儀官唱 行亞獻禮 執爵官照初獻禮獻畢退 典儀  
官唱 行終獻禮 執爵自案右邊照亞獻禮 獻畢退  
典儀官唱 徹饌 送神 贊引官贊 叩興 承祭官行  
三跪九叩禮立 典儀官唱捧祝帛饌各恭詣燎立 捧祝  
帛香饌官各至 位前俱跪 祝帛官行三叩禮 香饌官  
不叩首將祝帛香饌捧起依序捧送時贊引官引承祭官退  
承祭官退

青神縣志

卷之十六 祀典

三

至西邊立候捧祝帛各官過畢 復位站立 贊引官贊詣  
望燎位引承祭官至燎爐前焚祝帛時 贊引官贊禮畢引  
承祭官退  
後殿儀注 祭日 贊引官引承祭官進中門至盥洗處  
盥洗 盥洗畢引至 殿內行禮處站立典儀官唱執事官  
各執其事 贊引官贊就位 引承祭官就位站立 典儀  
官唱迎神 司香官捧香盒各就香爐右邊站立 贊引官  
引承祭官就

三代 光昭公裕昌公成忠公香爐前立 司香官跪 贊引官贊



上香 承祭官將柱香接舉插爐內又將塊香上三次畢  
贊引官引復位 引承祭官復位站立 贊引官贊跪 叩  
興 承祭官行二跪六叩禮立 典儀官唱奠帛獻爵行初  
獻禮捧帛爵官將帛爵捧舉各就 位前奠帛官跪獻畢行  
三叩禮退 執爵官立獻畢退 讀祝官至安祝文棹前行  
一跪三叩禮將祝文捧起 贊引官贊跪 承祭官讀祝官  
俱跪 贊引官贊讀祝讀畢捧至

光

昭公位前安盛帛盒內畢行三叩禮退 贊引官贊叩 興  
承祭官行三叩禮立 典儀官唱行亞獻禮 執爵官照初

青神縣志

卷之十六 祀典

四

獻禮各獻畢退 典儀官唱行終獻禮 執爵官自案右邊  
照亞獻禮各獻畢退 典儀官唱徹饌唱 送神 贊引官  
贊跪 叩 興 承祭官行二跪六叩禮立 典儀官唱捧  
祝帛饌各恭詣燎位捧祝帛香饌官各至 位前俱跪 祝  
帛官行三叩禮 香饌官不叩首將祝帛香饌捧起依序捧  
送時 贊引官引承祭官退至西邊立候俸祝帛各官過畢  
復位站立 贊引官贊詣望燎位 引承祭官至燎爐前焚  
祝帛時贊引官贊禮畢引承祭官退

先農壇耕籍禮儀

雍正五年奉



吉頒行

耕籍日每年奉

文行知屆期致齋二日祭日

主

祭官及各官俱穿朝服至壇先請神牌安奉壇上 禮生引

主祭官至行禮處文東武西排立 唱 樂武生就位 執

事生各司其事 主祭官就位 陪祭官就位瘞毛血 迎

神奏樂 主祭官眾官俱三跪九叩 興 奠帛行初獻禮

奏樂引主祭官詣盥洗所 進巾 詣神位前 上香

跪 獻帛 獻爵 叩首 興 詣讀位 跪 眾官皆跪

讀祝文畢俱三叩首 復位 行亞獻禮 奏樂 又引主

祭官升壇詣神位前 跪 獻爵 叩 興 復位 行終

青神縣志

卷之十六祀典

畧

獻禮 奏樂 又引主祭官升壇詣神位前 跪 獻爵

叩 興 復位 徹饌 奏樂 辭神 奏樂 主祭官行

三跪九叩禮 興 捧祝帛饌各燎所 奏樂 望燎 禮

畢 退至壇側各官俱換蟒袍品服 禮生引生籍田所行

耕籍禮 長官秉耒 佐官執青箱播種 用耆老一人牽

牛農夫二人扶耒推耒返農夫終畝耕畢 各官率耆老農

夫望

行三跪九叩禮畢而散農具俱用赤色牛黑色子種青色種照

土地所宜者



各壇禮儀凡遇祭期隨處俱用官一員行三獻禮餘官止陪祭其齋戒省牲更衣簽祝瘞毛血降神迎神盥洗奠帛初獻讀祝亞獻終獻飲福受胙謝神徹饌辭神望瘞送神等禮俱與

文廟丁祭惟厲壇止一跪三跪禮視文廟禮少差

文昌廟禮儀嘉慶六年頒行與

文廟同

崇聖祠禮儀同 文廟 崇聖祠

文廟樂章

迎神樂奏咸平之章

青神縣志

卷之十六祀典

哭

大哉

至聖峻德宏功敷文衍化百王是崇典則有常昭茲辟雍有虔簋

簋有嚴鼓鐘

初獻樂奏寧平之章

覺我生民陶鑄前聖巍巍泰山實予景行禮畢樂和邁惟靜

既述六經爰斟三正

亞獻樂奏安平之章

至哉

聖師天授明德衣鐸萬世式是羣辟清酒惟醑言觀秉翟太和常



流英材斯值

終獻樂奏景平之章

猗歟

素王示予物軌瞻之在前神其寧止酌彼金壘惟清且止登獻既終弗遐有喜

徹饌樂奏咸平之章

璧水淵淵崇牙業業既歆

宜聖亦儀十哲聲金振玉告茲將徹設假有成美牆靡揭

送神樂奏咸平之章

青神縣志

卷之十六祀典

七

煌煌學宮四方來宗甄陶胄子暨予微躬思皇多士膚奏厥功佐予永清三五是隆

先農壇樂章

迎神樂奏永豐之章

勾芒秉令土牛是驅天下一人蒼龍駕車念彼田疇民命所需生成有德尙式臨諸

奠帛初獻樂奏時豐之章

先農神哉耒耜教民田祖靈哉稼穡是親功德深厚天地同仁肅將幣帛肇舉明禋厥初生民萬彙莫辨神錫之庥嘉種乃誕



執茲醴齋豐功益見玉瓚椒醕肅雍舉奠

亞獻樂奏咸豐之章

上原下隰百穀盈止粒我生民秀良興起樂舞具備吹豳稱  
兕再躋以獻肴馨酒旨

終獻樂奏大豐之章

糜芑秬秠維神所昭以神饗神曰予將之秉耒三推東作允  
宜五風十雨率土何私

徹饌樂奏屢豐之章

於皇農事自古爲烈莫敢不承今茲忻悅籩豆旣豐簠簋宜

青神縣志

卷之十六祀典

哭

潔神視井疆執事告徹

送神樂奏報豐之章

麻黍芄芄秔稻連阡縱橫萬里皆神所瞻人歌鼓腹史載有  
有年歲有常典弗祿綿延

望瘞樂奏慶豐之章

玉板蒼幣來監來歆敬之重之藏於厚深典禮由古予行自  
今樂樂利國以永寧

祭文

文廟祭文



維

年月 日某官致祭於

大成至聖文宣先師之神曰惟

先師德隆千聖道冠百王揭日月以常行自生民所未有屬  
文教昌明之會正禮和樂節之時辟雍鐘鼓咸恪薦於馨香  
泮水膠庠益致嚴於邊豆茲當仲春祗率彝章肅展微忱聿  
將祀典配以

復聖顏子

宗聖曾子

青神縣志

卷之十六祀典

四

述聖子思子

亞聖孟子配尚

饗

崇聖祠祭文

維

年月 日某官致祭於

肇聖王

裕聖王

貽聖王



昌聖王

啟聖王曰維

王奕葉鍾祥光開聖緒盛德之後積久彌昌凡聲教所覃敷  
皆尋源而溯本宜肅明禋之典用申守土之忱茲屆仲春秋聿  
將祀典配以

先賢顏氏

先賢曾氏

先賢孔氏

先賢孟孫氏尚

青神縣志

卷之十六祀典

五十

饗

關帝廟祭文

維

年月 日某官致祭於

忠義神武關聖大帝曰維

帝浩氣凌霄丹心貫日扶正統而彰信義威震九州完大節  
以篤忠貞名高三國

神明如在徧祠宇於寰區靈應丕昭薦馨香於歷代屢徵異  
蹟顯佑羣生恭值嘉辰遵行祀典筵陳遵豆凡奠牲醪尚



饗

崇聖祠祭文

維

年月 日某官致祭於

關帝之

曾祖光昭公

祖裕昌公

父成忠公維曰

公世澤貽庶靈源積慶德能昌後篤生神武之英善則歸親

青神縣志

卷之十六祀典

五

宜享尊崇之報列上公之封爵錫命優隆合三世以肇禮典

章明脩恭逢諏吉祇事薦馨尚

饗

先農壇祭文

維

年月 日某官致祭於

先農之神曰維

神肇興稼穡粒我蒸民頌恩文之德克配彼天念率育之功

常陳時夏茲當東作咸服先疇洪惟



九五之尊歲舉

三推之典恭膺守土敢忘勞民謹奉彝章聿修祀事惟願五風十

雨嘉祥恒沐於

神庥庶幾九穗雙岐上瑞頻書於大有

文昌廟祭文

維

年月

日某官致祭於

文昌帝君之神曰維

神蹟著西垣樞環北極六巨麗曜協昌運之光華累代垂靈

青神縣志

卷之十六祀典

十一

綿人文之主宰扶正久彰夫感召薦馨允致其尊崇茲屆仲

春用昭時祀尙其歆格鑒此精虔

崇聖祠祭文

維

年月

日某官致祭於

文昌帝君

先代之神曰祭引先河之儀禮崇返本之思矧夫世德彌光延賞

斯及祥鍾累代燦列星之精靈化被千秋綿人文之主宰是

尊後殿用笱前庥茲值仲春肅將時事用申告潔



神其格歆

送神德平

鳧繹峩峩洙泗洋洋景行行止流澤無疆  
聿昭祀事祀事孔明化我蒸民育我膠庠

笛笙同譜與簫宮調不同歌辭同

秋南宮清徵立宮○仲呂清主調○歌辭俱與春同

欽定

文廟樂譜○春夾鍾清立宮○倍應鍾清變主調

簫譜○壎篪排簫同

青神縣志

卷之十六 祀典

三

迎神昭平

大哉孔子先覺先知與天地參萬世之師  
祥徵麟紱韻答金絲日月既揭乾坤清夷

奠帛初獻宣平

予懷明德玉振金聲生民未有展也大成俎豆  
千古春秋上丁清酒既載其香始升

亞獻秩平

式禮莫愆升堂再獻響協鼗鏞誠孚壘  
廡肅肅雍雍與髦斯彥禮陶樂淑相觀而善



終獻敘平

自古在昔先民有作皮弁祭菜於論思樂惟天牖民惟聖時若藝倫攸敘至今木鐸

徹饌懿平

先師有言祭則受福四海饗宮疇敢不服禮成告徹毋疏毋瀆樂所自生中原有菽

明

嘉靖御製敬一箴碑文

夫敬者存其心而不忍之謂也元后敬則不失天下諸侯敬

青神縣志

卷之十六宸翰

五

則不失其國卿大夫敬則不失其家士庶人敬則不失其身書曰后克艱厥后臣克艱厥臣五子之歌有云予臨兆民如朽索之馭六馬爲人上者奈何不敬其推廣敬之一言可謂明矣一者純乎心而無雜之謂也伊尹曰德惟一動罔不吉德二三動罔不凶其推廣一之一言可謂明矣蓋位爲元后受天付託承天明命作萬方之君一言一動一政一令寔理亂安危之所繫若此心忽而不敬則此德豈能純而不雜哉故必兢懷畏慎於郊禋之時儼神明之鑒享發政臨民惟恐拂乎人情至於獨處之時思我之過如何改之不齊思我之



德如何勉而不懈凡諸事至物來究夫至理惟敬是持惟一  
是協所以爲天子之職庶不忝厥祖厥親由是九族親之黎  
民懷之仁澤孚及於四海矣朕以冲人纘承丕緒自量德惟  
寡昧勉而行之欲盡持敬之功以馴致夫一德其先務又在  
虛心冥慾屏除邪佞信任耆德爲匡輔敷求善人布列庶位  
斯可行純王之道以坐致夫雍熙之治矣朕因讀書而有得  
焉乃述此以自勗云人有此心萬理咸具體而行之惟德是  
據敬焉一焉所當先務匪一弗純匪敬不聚元后奉天長此  
萬夫發政施仁期保鴻圖敬怠純駁應驗頓殊徵德天人如

鼓答桴朕荷天眷爲民之主德或不敬以爲大懼惟敬惟一  
執之甚固畏天勤民不遑寧處曰敬維何怠荒必除郊則恭  
誠廟嚴孝趨肅於明廷懼於閒居省躬察咎儆戒無虞曰一  
維何純乎天理弗參以三弗二行顧其言終如其始靜虛無  
歉日新不已聖賢德言脩見諸經我其究之擇善必精左右  
輔弼貴於忠貞我其任之鑒別必明斯之謂一斯之謂敬君  
德旣修萬邦則正天親民懷永延厥慶光前垂後綿衍蕃盛  
咨爾諸侯卿與大夫以至士庶一遵斯謨主敬協一罔敢或  
渝以保祿位以完其體古有盤銘目接心警湯敬日躋一德



受命朕爲斯箴拳拳希聖庶幾湯孫底於嘉靖

青神縣志

卷之十六宸章

五